

**BOSNA I HERCEGOVINA
FEDERACIJA BOSNE I HERCEGOVINE
ZENIČKO–DOBOJSKI KANTON
KANTONALNO TUŽILAŠTVO
ZENIČKO–DOBOJSKOG KANTONA**

Broj: T04 0 KT 0056746 24
Zenica, 02.07.2024. godine

OPĆINSKI SUD U ZENICI
-Sudija za prethodno saslušanje-

Na osnovu člana 45. stav 2. tačka i), člana 241. stav 1. ZKP-a F BiH, p o d i ž e m:

O P T U Ź N I C U

Protiv:

H. N., zv. „N.“, neosuđivan

što je,

Dana 02.01.2024. godine oko 23,10 sati, u Zenici, u ulici Prve Zeničke brigade do broja 21, u ugostiteljskom objektu „... silom ili prijetnjom da će izravno upotrijebiti silu i spriječiti ovlaštene službene osobe policijske službenike PS Crkvice, u vršenju službene radnje, koju su poduzimali u okviru svojih ovlasti i obavljanju poslova javne sigurnosti i čuvanje javnog reda, na način da je, dok su se policijski službenici PS Crkvice T. S. i K. J. nalazili u navedenom ugostiteljskom objektu, gdje su koristili pauzu, kojom prilikom im je prišao osumnjičeni, te im se obratio i tražio im privatni mobilni telefon da pozove suprugu, gdje mu policijski službenici nisu dali telefon iz razloga jer su to njihovi privatni telefoni, da bi nakon toga osumnjičeni počeo uznemiravati goste u objektu, tražeći od istih mobilni telefon, u kom trenutku je u ugostiteljski objekat ušla policijska patrola u sastavu M. A. i K. G. od kojih je osumnjičeni također tražio mobilni telefon, pa kada mu ni ovi policijski službenici nisu dali telefon, isti je nastavio i dalje uznemiravati goste u objektu, da bi odjednom počeo vrijeđati policijske službenike: „Jebem li vam majku policijsku, vidjet ćete vi ko sam ja i ko je moja žena“, nakon čega su ga policijski službenici upozorili na ponašanje, te mu tom prilikom izdali naredbu da napusti ugostiteljski objekat, da prestane sa narušavanjem javnog reda i mira, te ga ponovo upozorili na ponašanje, te ako nastavi dalje sa činjenjem prekršaja da će biti lišen slobode zbog počinjenog prekršaja, međutim osumnjičeni se oglušio na njihove naredbe, te i dalje nastavio sa psovka i vrijeđanjem, nakon čega su ga policijski službenici izveli iz ugostiteljskog objekta, da bi tada osumnjičeni u namjeri da spriječi policijske službenike da izvrše započetu službenu radnju pri obavljanju poslova javne sigurnosti i čuvanja javnog reda, ponovo počeo da vrijeđa policijske službenike, te je u jednom momentu uhvatio za kragu jakne policijskog službenika T. S., te drugom rukom zamahnuo i istom policijskom službeniku laktom zadao udarac u predjelu usta, a potom je zatvorenom pesnicom zadao udarac policijskom službeniku K.J. u predjelu jagodične kosti, nanijevši im lahke tjelesne ozljede i to: T. S. u vidu nagnječenja gornje strane desne usne, a K. J. u vidu nagnječenja desne jagodične regije, svjestan da je navedenim radnjama spriječio policijske službenike da obave poslove javne sigurnosti i čuvanja javnog reda, što je i htio, da bi

upotrebom fizičke snage od strane navedenih policijskih službenika i sredstava za vezivanje ruku stavljen pod kontrolu i lišen slobode,

Dakle, silom spriječio službenu osobu pri obavljanju poslova javne sigurnosti i čuvanja javnog reda pri čemu je službena osoba lahko tjelesno ozlijeđena,

Čime je počinio krivično djelo sprečavanje službene osobe u vršenju službene radnje iz člana 358. stav 3. u vezi sa stavom 1. i 2. KZ FBiH.